

四庫全書

集部

欽定四庫全書

石倉歷代詩選卷四百四十

明 曹學佺 編

明詩次集七十四

林瑋

字廷珍成化辛丑進士歷官太僕寺少卿有西園遺稿

送周太叅之任廣西方伯

入滇未踰年輒復別滇去丈夫懷四方所適皆真遇雄藩雖巍巍猙黎病雜處重華帝有虞昌期適當午五載

一巡狩諒亦匪虛語至今化猶醇冠裳爭快覩民囿風  
氣中蚩蠢乃其所向微幹旋力千載應聳聳桓桓大方  
伯旬宣翊天子世運有推移斯民無今古藩翰良所遭  
箕推謾誇詡欲別不忍釋君行激予素逝者蒼梧津滔  
滔日東注回薄萬古情拂劒滄溟曙

寄故鄉洪塘諸友

開窓展周易短砌鳴寒蟬忽憶山中人渺在天一方沈  
吟先天訣載頌停雲章思君豈不切道路阻且長言念

夙昔好山水同徜徉轉盼易寒暑日月不我將今夕復何夕葭月冷秋霜悠悠天宇濶起坐徒徬徨

過呂梁次見素壁間韻

江左不善變東都自頽風誰憐七尺軀獨立綱常中斗酒兩耳熱擊劒摩秋空我懷正激烈出門誰將同

寄葛坡丁先生

病魔推不去可人喚不來炎風起天末鼓我庭中灰浮生不滿百懷抱何時開忽憶葛坡叟白雲真悠哉

過東流避江陟山有感

山行有荆棘江行有風波寧知戶庭外舉足皆樊羅何  
如西園兩耳熱竹爐煮茗烹青莪悠然笑傲旗山阿千  
顛百折其如何

題鄧君文耀思萱卷

朝陟堂之中兮維萱之零紅兮而思母之忡忡兮暮倚  
堂之背兮維萱之委翠兮而思母之憤憤兮堂之有萱  
愛匪獨兮吾思吾親亦不可復兮

壬子元夕過安寧次壁間韻時巡歷已滿未得

代也

出郭五千里溪山疑此行縱然非祿仕亦覺是浮生元  
夕燈前社春秋城下盟野梅踈半落何處不關情

晚憩含質驛次見素韻

行人得晚憩且值雨晴時雲歛川明遠山高月上遲覽  
書懷赤烏觀易玩黃離之子何為者悠悠繫我思

題雙節祠

劍冷風生暮簾空月在除溪山歸戰骨燈火照離居宇  
宙留雙節春秋不一書賣身與降虜聞此亦何如

挽包豸史廼父耕心先生

日暮成千歲山荒間九原高懷推古調行誼豈今存沒  
世有如此浮雲安足論耕心尚存扁梁月正黃昏

挽朱安人陳氏

封典生前受閨門肅令儀酒漿供祭日燈火課孫時哀  
動詞人挽賢彰太史碑九原雖不作端是女中師

送王都憲之任少司馬

仕世逢真主專臺撫大荒法冠裁豸角天語煥龍章任  
託孤臣重心懸萬里長端居嚴瑋琤出匣試干將民瘼  
頻咨訪臺綱賴振揚先聲聞趙孟後武駕蘇黃吐納樞  
機簡監臨體貌莊大都循矩度全不涉荒唐舉世襟懷  
濶祛強膽目張奸諛爭褫魄瘳疾切疴痒門宅無桃李  
田家足稻粱不知千庾富只恐一夫傷且念羣夷獠無  
端似犬羊自從蒙姓氏今始識冠裳禮樂敦名教文章



入大方士知宗孔氏人望樂虞庠內治應無恙西夷敢  
跳梁孤忠思付託兩度過丁當部落雖君長山河盡帝  
鄉作書答天子傳檄戒封疆魚水高諸葛蛙蠅笑子陽  
一杯徒漱灑千頃自汪洋拙眼曾多閱他人蓋未嘗浮  
生幾錯過深幸覲顛昂道在參乎魯言多點類狂抗儀  
知罪戾謙屈愈尊光求益方如渴分攜正斷腸帝心維  
簡在別調漫淒涼列戟羅滇楚扁舟下沅湘香風生杜  
若涼月在甘棠宦海榮司馬兵樞屬李綱臨歧傷惜別

相對更難忘

三原冢宰王公八十索贈

立朝勛業一身孤，不忝遐齡八十餘。  
黃耆尚懷虞舜治，白頭猶戀伏生書。  
貞元際合天難老，名位懸殊迹易踈。  
徙倚衡門望南極，祥光長照紫宸居。

贈地官夏公便道壽親還朝

萱草庭前春意長，宦途堪畏簡書忙。  
帝鄉迢遞心偏壯，親膝從容喜欲狂。  
願祝龜蓮千歲壽，誰分鳧米一盂香。

謾乘金馬歸朝去人在高堂壽未央

除夕過趙州次見素韻

孤燈宦邸歲言歸搔手風塵欲浣衣為憶淵明今日是  
誰憐伯玉去年非歸與吾黨寧無夢老矣西山亦有薇  
九曲溪頭問真訣滄洲人在釣魚磯

過大理次前人韻

生質慚非宋子朝且安懷抱謾魂銷虛名浪有新亭泣  
遠道能無擊壤謔窓外溪雲隨雨出枝頭野鳥挾春嬌

魯人若識申生志安用雲媒着意調

過祿豐次壁間韻

去住無端渺問津到頭何日得吾真百官自是尼邱富  
五柳休辭元亮貧何處煙波堪倚棹故山花鳥滯歸人  
羊腸石磴前程路閒詠歸與子在陳

與劉中貴總戎沐公遊西莊池次張都憲韻

子瞻歸步雪堂時千載幽期卜此池二客欲從黃坂去  
扁舟轉上翠渠遲雲涵波影高低樹花放風薰新舊枝

吹罷洞簫孤鶴杳羽衣相揖許誰知

滇陽書事用晦菴韻

真得歸與即破顏不愁光境落人間  
狂同莊叟談秋水喜並陶翁見晚山  
出岫閒雲無定著知時倦鳥自應還  
結茅沽酒西園約分付詩腸且莫慳

其二

驛書飛報汗人顏宣慰顛危反掌間  
夷服未應輕一羽綱常原亦重邱山  
春秋時義今如此司馬風流不可還

燕頷虎頭當自識天王茅土不曾慳

是時夷酋思標逐殺其主宣慰當道

視為輕末故此云云且思少司馬王公詔先曾經畧此夷今不可得矣

曲靖道中見二叟相揖而語

彷彿仙蹤何處求  
滿山紅葉白雲秋  
羶輿歸度前峰去  
綿竹斜通小徑幽  
若有人家三兩屋  
新添雨溜一渠湫  
蓬頭對語云誰者  
豈是前身巢與由

沉陵道中次見素夢蘭韻

讀罷離騷思不窮  
遶欄香泛楚江風  
檀心芳韻幽貞獨

魚腹忠魂臭味同媚世葦蒲徒論質充幃菌桂謾言功  
客從千載求醒者空惹花神入夢中

侍御張希載惠詩因與遊太華次韻送之

開緘耿耿燦靈丹一段光芒射斗寒格擅大方今柱史  
名高少宰古周官誰逢東野低頭拜人慕西臺拭目看  
吟倚太華留不得五雲深處是長安

侍御廼翁名從中張都憲作序以中勉之

紫鸞飛下白雲鄉母拜孺人父拜郎翠翟幪珠添彩色

繡衣環帶爛銀光人傳孝子爭矜頌帝為忠臣錫寵章  
願以義方敦古訓聖恩如海日汪洋

寄沐國公時庚戌正月也

數符昌運誕奇才柱國勲名映上台月正夏時開歲首  
物乘堯歷露春胎勤民每自披無逸頌德令人賦有臺  
一曲長生熙帝載春風遙進紫霞杯

送高士達任廣東教諭

拜恩銜命出都門俯仰何慚儒者冠直以斯文鳴盛世



休言此職是卑官，間關嶺表梅為驛。  
珍重湖南杏作壇，樽酒潞江悵離別。  
滿江風月海天寬。

曲靖會憲副兄示所編家譜有感

家祀中微一縷傳，拜觀斯譜輒潛然。  
闔門罹毒遺無地，外氏寧歸似有天。  
再世幼孤凡子立，此時家業正顛連。  
百年雲室追思筆，續後兒孫尚勉旃。

船溪驛用壁間韻謾成一首

時得鄉友鄭仲平所寄詩

曲逕縈行遶竹斜，誅茅紉屋是誰家。  
柴扃半掩梧桐月。

榛舍新移木槿花堂扁小迂聊託號人忘大耋莫興嗟  
閒雲意外看舒卷一任秋風拂鬢華

又

足馬沿溪日未斜村春方起野人家叨分瘴海三年節  
歸次山城兩度花愚拙誰憐于我甚窮愁何以慰民嗟  
故人詩辱郵筒至一夜風吹棠棣華

有感

午窗慵起理殘經巧思縈心覺費神維鵲維鳩求自得

呼牛呼馬任伊人  
憧憧且謝朋來往  
瑣瑣休論事屈伸  
欲占西風玩經世  
滿川花柳暗天津

贈高都閫出鎮歸德州

武弁誰通吉甫文  
人從細柳識將軍  
殿巖祇護今朝寵  
韜畧遙承累世勲  
節鉞纔離雙闕下  
雄聲先播九河濱  
載歌海岱皇風穆  
不用睢陽露布聞

贈白都憲姪進士榮歸

杏林宴罷錫歸榮  
領得春風向暑行  
帽壓宮花金粟重

衣裁官錦彩雲輕滿堂袍笏誇先業千里驂駒稱上卿  
莫學文園便成癖凌煙傑閣構神京

贈汪生惟越歸壽雙親六十

孤蓬湖海半生跡六袞椿萱萬里家采得周詩上親壽  
直從堯歷紀年華鹿車共出溪頭路鳩杖歡迎竹外沙  
甲子又逢初度處微陽消息入梅花

贈史侍御考最得封其父母

內臺三載陟華勲奏績天曹荷寵頻臣節獨誇青署最

君恩榮及白頭親  
旁袍雲護萊堂曉  
鳳詒花蟠御苑春  
我忝同官預榮幸  
也應感激頌皇仁

挽博士趙伯全主事之父

教蒲虞庠望辟雖為親  
不受子官封渠疏田洫  
追黎幹政攝花封紹魯恭  
槐國雲深遺蝶夢墨莊月  
冷輟隣春拙軒稿在人何  
在惆悵泉關十二重

次劉地官雨後韻

造化無私付太空  
隨渠猛雨又狂風  
鳴臯竊訝乘軒鶴

千木還嗤得桶鴻青眼相看書一卷紅塵繚繞鬢雙蓬  
陰晴都且歸何有剖破藩籬即大同

贈侍御王思德壽雙親

海上元戎重憲臣南巡歸便展雙親百年忠孝丹心壯  
七袞嚴慈白髮新鳬蓂喜逢初悅日豸袍光映壽筵春  
微情應有登堂約三月鶯花正可人

贈馬寧王君仲節之任

一騎駸駸向馬寧刺桐踈柳暗蠻汀如今裨將兼文武

自古提兵識變經秋色滿江橫劍氣晚光浮酒露弓形  
故交山誼他鄉別怪底西風放半醒

和王提學九華山韻

人間清峭說南華九老風流自一家半幅春屏開錦帳  
一泓秋水浴蓮花偶捐官牒餘晡日間撚吟鬚看落霞  
寄語山靈莫相嗇此心風月不須賒

次經友吳維序韻

旅泊愁腸日九迴忽聞高調獨徘徊謾將清夜孤城角

吹落空齋五月梅吟畔渚蓮閒簡帙望中雲樹動樽罍  
算來不是田文客長鉞休歌歸去來

咏扇面紅梅

庾嶺西頭湖水東玉顏寥落為誰容不應悞入桃源路  
染得春風幾點紅

寄家書有感

寫就家書便寄歸鄉心隨逐鵲鴿飛東風原上春多少  
目斷衡陽總不知



用石田沈公韻詠小景

誅茅營屋此山中路窄那容馬足通客子江心忽相憶

扁舟蕩漾過晴空

林玠

字廷圭別號靜菴天順壬午舉人以子文纘貴贈刑部主事年二十五卒

李王葉三兄見訪偶作

城中數高友雅志精葩經抱策對韓檠一時俱有聲文章絢人目炳炳如丹青李君飽所學已見歌鹿鳴王葉二名賢苦無素知音天意固有在留君啟後人咸與吾

兄遊彼此皆忘形  
天花當座落水色  
入簾青時下陳蕃  
榻間鼓伯牙琴  
予昔方州角見子  
恒自驚一心敦向  
慕荷教以陶成  
壬午薦賢書濫竽  
南廓名天意不我  
佑蚤復自凋零  
春色夢胡蝶秋風  
悲鵲鴿悠悠九  
泉客綵綵若平生  
寸忱不能達聊此  
叙幽盟

仲夏夜書暇觀蓮

羣籍味匪測杳若天  
難升涵泳索道腴庶  
可得其精躍如見  
真趣悠游湖水濱  
相彼君子花實能諧  
我心清風

傾綠葉湛露綴丹英舉目間疑眺效彼瀟溪賓芬艷浮  
青眼清香拂素襟呼童泛美酒對此紅芳傾飄飄一葉  
舟瀟灑其中陰內通外以直契我信道情扣舷歌短句  
詠此華晶瑩鼓枻臨中流向此錦叢吟所恨玉樓召奄  
忽殞文星若人已仙去此花空自馨

書樓極目為牟公子作

旋步樓前望青天青天意與吾心連碧波清泚侵書幌  
明月光風冷坐羶扶杖行歌挹美景此景脗合吾真境

清風搖動硯池雲飛鴻點破江山影舉頭延佇看早春  
春光意與吾心同毫端生翠龍蛇走書韻遙飄萬里風  
凝眸開襟拾元氣元氣渾似吾心致鷺落滄州謾自飛  
龍潛碧海行當試試得清光達九重紛披鱗鬣橫蒼空  
窮經志士能如彼生平無負勤書功功成不見固可美  
嗟余不幸誠可覩玉樓入夢到九泉空歎文星終不見

賦得落花自述歌

花落柯花落柯飄飄颺舞因為何武陵一夜東風起落

此花英滿徑坡花落柯花落柯青春遊子勿復歌花隕  
暮春春又發人衰復壯世無多君不見隣叟牆頭過濁  
醪此花正滿東平臯又不見春從綠樹陰中老惜花士  
女空蹉跎吾生志與秋天高天乎不佑可奈何嗚呼噫  
嘻兮更勿道屈原豈甘沉汨羅夷齊空守西山餓人生  
有死固莫逃少年而死實可悼花褪殘紅心懊惱惜此  
落花誰可報非是人老不如花只恐看花時復過嗚呼  
噫嘻兮復何道長歎一聲天地老

別牟公子勤夫

聞君雅德音克紹彼前哲悠悠萬里資顒顒一時傑詞  
源江海深嗟予不足白春宵幸一見愧我死生別

羣雁失一

哦哦青雲邊迢迢碧漢裏羣喉盤石間和樂無可比孤  
飛入九原迴翔赴萬里天道既如斯吾行將安止

送人

之子還鄉國離離書一肩舟分帆掛雨萍泛水搖天雲

染天閑騎風輕去路鞭更期秋月裏高折對嬋娟

別黃秉中兄

家林鄉國共風塵對榻論文志氣真  
本欲同為都下客  
豈期先作地中人  
綠雲庭館虛殘月  
青草池塘憶暮春  
黃卷悠悠誰切琢  
生平空負一經綸

江村適興

綠樹蒼茫景物蔥  
一竿清泚暮煙中  
牛眠芳草霜寒露  
鴉帶浮雲度晚風  
水鏡光澄舟外渚  
山屏翠接樹中空

漁郎數曲滄浪夕韻徹樵村縹緲東

雨後遊山

雲收雨歇草呈鮮  
着屐優游翠黛前  
綠樹陰中迎白日  
蒼松影裏步青天  
臨風作賦花添趣  
坐石彈琴鳥助絃  
無限丹青窮不盡  
歸來取筆灑雲箋

雨後觀山

雲歛前峰雨乍晴  
望中煙樹轉分明  
鴉迷黛色嵐中老  
鳥呀丹青竹畔鳴  
芳草萋萋苔積翠  
落花片片水流聲



塞予書暇凭闌睡忽覺胸中遠趣生

題巴蜀牟勤夫所居八景有百丈厓九盤山銅

鐘驛平灘河將軍洞石洞寺石佛寺藏經坪

百丈高峰聳碧天崔嵬山下物華鮮彩舟常報堂前喜  
清泚頻琤屋後絃明月光搖壇將洞薰風涼愜石巖仙  
東君休道虛無事為毀藏經寶聖編

題雲塢丁親丈所居八景有雲塢春耕螺江晚

釣古候龍臺金山雁塔芋原彩舟洪關戍鼓

妙峰梵刹瑞嶺清幽

草芥功名鋤曉煙半竿秋水坐嬋娟  
龍臺猶見祥光燦  
雁塔期標世代賢  
泛泛彩舟雲外月蓬蓬戍鼓霧中天  
勸君休涉虛無境  
瑞嶺先曾見有年

送牟公子入蜀

故人別我謁親廬  
西望歸程萬里餘  
綠樹蒼山雲阻隔  
離離行色半囊書  
官橋勒馬天將暮  
客路逢秋柳漸疎  
丹桂一枝年少事  
題扳切莫讓相如

夜景偶作

天色蒼蒼月影浮輕風搖燭淚珠流  
今宵不醒南柯夢落葉飛花萬古愁

人聲寂寂犬聲寒玉漏頻催夜已闌  
銀燭流珠和我淚清風明月半攔干

懷三家兄在杭

閒奏埙簫倚夕陽忽驚飛雁在何方  
武陵回首青山外幾度西風欲斷腸

勉十舍弟攻書

學海由來百丈深堪嗟遊子浪浮沈  
須教眼沒全牛處方表平生苦用心

諸兄弟敘意有作

吾家昆季十餘人獨愧青雲寄此身  
不擬冷霜三四度頻摧芳草憶殘春

寓意

銀燭光浮春夜長簾鉤明月野花香  
樵樓寂寂哀笳發

耳聽寒聲每斷腸

暮春

蜂慵蝶老綺羅空  
九十春光一夢中  
遙想故園遊冶處  
無緣花草付春風

牧

胸期遙隱薄圭璜  
跨犢悠遊過草堂  
一笠清風歸去晚  
白雲橫笛叫斜陽

首夏

春已言歸夏又臨青槐枝上噪蟬音芳郊遊子愁炎暑  
一握薰風坐綠陰

按孝廉君仙逝此詩乃乩筆也遺腹子生為書名其  
後發達皆若券云



石倉歷代詩選卷四百四十

欽定四庫全書

集部

石倉歷代詩選卷四百四十一  
三至

詳校官編修<sub>臣</sub>謝振定

侍讀<sub>臣</sub>孫球覆勘

總校官進士<sub>臣</sub>朱 鈐

校對官中書<sub>臣</sub>汪學金

謄錄監生<sub>臣</sub>王兆溫



欽定四庫全書

石倉歷代詩選卷四百四十一

明 曹學佺 編

明詩次集七十五

陳桂

松逕風

一逕深且紆森森覆松栢清風池上來幽思與之發逸  
響諧素琴涼陰散絳帙弘景或可邀高懷共清豁

山寺夏遊

素懷厭囂塵况值煩暑逼  
緬彼青蓮宮岩堯倚空碧  
乘興攜素琴綠雲散輕策  
山深岩逕紆境淨松蘿密  
老衲忽相迎坐我三生石  
啜茗談苦空了然羣慮息  
曇花飄天香岩翠落巾烏  
回首盼塵區營營果何益

思母

征夫日駢駢王事憂靡盬  
孤雲何處來悠揚自輕舉  
隨風天外飛往來無間阻  
雲下是義山親舍此其所  
道遠

不可即寸心良獨苦默默兩忘言翹首重延佇

懷友

美人在何方去住不可度閉目想儀容冥心寄寥廓憶  
昔論交日看雲時共酌調我膝上琴喚起松間鶴青雲  
惜分飛白首欣有託慎勿逐紅塵參商遽牢落悠悠江  
上舟嗟嗟簷頭鵲為報義溪鷗還來尋舊約

菜菔

園菜何青青春風藹生意茂葉已充庖靈根復萌肄偉

金  
卷四百四十一  
哉君子心於茲識真味薦之羅綺筵令人薄珍異

松下詠古

古松夾通徑一水清而紆有客坐松下含笑讀漢書乃  
知絳與灌不若商山癯百戰徒爾勞一語雅且都漢祚  
垂四百元啟子房謨

與林方伯世調葉學諭茂才鄉進士世增洎堂  
兄文厚夜泛分得鳥驚二韻時乙丑歲十一  
月十三日

雪晴天始寒午夜孤蟾皎睠彼座上人  
覓軼風塵表笑談宇宙寬傲睨江湖小  
林影逗空明波光窮浩渺行樂貴及時  
百年同過鳥

虎溪三笑圖

所趨固異時襟懷頗同調脫畧辭垢氛  
廬峰擇高妙社散機已忘談空且流眄  
輕風吹浮雲誤越虎溪徼顧茲空翠間  
撫掌同一笑詎識千載餘畫圖有遺照

臘月十四夜翠庭主會泛江以欲問吳江別來

意為韻

夕景澹餘暉一棹弄溪曲欣茲四五人歲久情愈篤天  
寒露氣重江靜波光綠綠酒間新詩舍此更何欲  
冬去春復來乾坤有常運達人體自然百年付良醞靜  
夜江有聲微雲月生暈相逢且盡歡得喪何須問  
鴟夷本高智所志在五湖遺迹已千載出處真吾徒俯  
視滄波渺仰看明月孤散髮弄扁舟何論越與吳

空江獨釣圖為璋姪題

一氣團虛亘寥廓天光雲影鏡中落紛紛物態從變更  
眼底何如阿翁樂名利不牽身獨閒萬頃滄波百尺竿  
溪月江風隨意取星星短髮顏如丹潮來潮去憑此竹  
不釣齊璜釣荆玉遊鱗掣破浪花圓欸乃一聲山水綠  
君不見渭濱人熊羆不入姬文夢百歲風光老釣綸又  
不見嚴灘老漢家名節在一絲雲臺事業迹如掃誰寫  
斯圖託意深小阮重之輕南金持來索我題佳句薰風  
灑灑清煩襟幾向濯清亭子上凭欄相對成惆悵安得

呼酒傾百壺爛醉沙頭續漁唱

德符姪請為汪時勉題謝廷循山水圖

扶桑日出高千丈閉却衡茅謝塵鞅  
煙篆漸消石髓香  
每憶丹青愜幽賞小阮叩門持軸來  
披圖一翫煩襟開  
云是汪君最瀟灑博古重文亦妙哉  
眼看此圖如初夏  
重林疊嶂相高下老松號風白晝寒  
飛泉漱石丹厓瀉  
千峰萬峰天地鍾巨靈劈斷真竒功  
水石奔衝躍駿馬  
樓臺掩映森蒼龍  
巋然梵剎倚空表  
俯視滄溟一杯小



老僧入定不出門  
隱隱鐘聲度林杪  
小橋流水深復深  
雲護碧榦團清陰  
策蹇杖藜誰氏子  
青天破帽隨瑤琴  
石徑縈紆少車馬  
草堂中有讀書者  
說秦有術陋蘇張  
相漢何能追董賈  
兩翁坐對話同心  
十載歸來卧朝簪  
南薰拂拂披滿座  
水花弄影浮衣襟  
獲麟細談傷國史  
日午酣歌猶未已  
遙空雨歇斷虹明  
列岫層層獻青紫  
片帆何處送小舟  
乘風載酒逐江流  
山中有約掃苔石  
一飲共洗千古愁  
相逢傾蓋渾如故  
杯酒論情寧論數

溪魚吹破浪花腥野鳥啄殘庭樹暮胸次悠然浩無垠  
從教臺閣書奇勲太上道德端可仰浮世功名奚足云  
吁嗟此景果何有道子王維去已久誰家術者巧摹臨  
筆端造化傳不朽我喜近得脫樊籠滄浪一曲清塵胸  
仰天倚劒發長嘯懶雲墮地空重重安能呼起畫中人  
相與談笑傾一斗揮汗題詩寄汪君莫把樽前輕覆瓿

東江夜泛用謝康樂詩句十韻

東江頭秋月下碧樹金風更瀟灑滄浪之曲歌未終孤

雁一曲落平野

泛金尊乘白舫仙客主翁爭  
侑儻碧波倒浸玉芙蓉醉  
坐江天愛平曠

棹頭月江上花花影遙連月影斜  
漁翁醉卧泊江渚猶  
把長竿插釣沙

秋水清清且煥月色當空似平旦  
扁舟著我兩三人唱  
和風前醉巾岍

恣遨遊適情性明月清風隨所咏  
安能呼起謝元暉相

從得句澄江淨

真率會年復年清才藻思兩逋仙停杯琢就驚人句白  
露橫江秋滿天

歌麗曲斟濁醪魚龍水底避詩豪尊美鱸肥無限興青  
雲何似白雲高

高低樹遠近洲太平身世兩悠悠洞簫吹醒坡仙夢仰  
看一鶴橫清秋

雙杵鳴孤鴻沒仰視方山青一髮良夜迢迢何以娛扣

舡更酌歌明月

夜將半潮正平兒童告我玉壺傾賓主分攜各歸去猶有隔江漁火明

潞河風雨次韻

一望碧波深孤帆柳外林滿江風雨恨萬里故園心對酒思前事逢人寄遠音秋聲何處急茅屋亂鳴砧

送閔都憲陞南司寇

撾鼓發樓船歡聲沸遠天春花明五嶺烽火息三邊功

在摩厓石名垂汗簡編鄉園今便道畫錦即神仙

次毛叅將秋日江居十章為潯陽甘貢士賦

門外秋波濶寒光悅醉眸白鷗閒對我紅葉暗藏樓酒  
旆垂隣館漁燈見遠洲虞卿諳史筆終日著窮愁

二

雲淨羣峰出江空一鳥遲雨前蘿補屋霜後菊編籬巢  
燕非新主沙鷗是故知考槃人自取天地豈吾私

三

數椽依靜渚卜築是良圖  
楚嶺桂開盡潯陽雁到無  
池分秋瀑細窗透夕陽  
孤兀坐成何事潛心咏典謨

重九林方伯主會泛江遂遊枕峰寺分得林字  
酒闌閒拭目列岫散浮陰  
鶯帶殘霞斷風飄落葉深  
簪花三五客倚竹短長吟  
獨鶴歸來晚鐘聲出梵林

山居述懷

犬吠孤村外柴荆手自捫  
草深含宿雨山淺映朝暉  
平野牛羊散閒庭燕雀喧  
同心在何處搔首欲奚言

釣龍臺

憶昔山中逐鹿回層臺兀律倚天開霸圖一去空流水  
遺跡千秋變綠苔漁釣謾疑靈物在江雲猶想翠華來  
古今多少興亡事颯颯悲風動草萊

淵明

涼風天末動清秋一片閒雲返故邱自是雅懷能脫畧  
肯因微祿更淹留葛巾漉酒芳樽滿藜杖看花小徑幽  
寄語紛紛紆轡者何如林下早歸休



聽雨軒醉起

江上重門掩夕陰  
小軒燈火夜沈沈  
醉來不省窗前雨  
卧起還調膝上琴  
春草池塘牽藻思  
杏壇風韻入徽音  
卯君不管吟邊興  
遙放書聲出遠林

留別世謙綠榕橋次韻

綠榕橋下水增波  
橋上騷人倚醉過  
自是金蘭交誼重  
故于樽酒別情多  
花當祖席飄紅雨  
魚逐新流弄玉梭  
把袂不堪分手去  
東風碧草奈愁何

懷煥兄

江頭酒盡眼婆娑一曲離情且謾歌  
北闕我依紅日近南閩君去白雲多  
春風馬帳情偏洽夜雨彭城夢屢過  
幾度相思不相見池塘芳草近如何

寒夜獨坐

萬籟無聲漏滴殘地爐火盡客衣單  
少年但識天南熱多病難禁薊北寒  
油凍銀缸燈焰短絮飄窗紙雪花乾  
自慚不似王延孝通夕思親夢不安

朝人學脩煉

神仙飛舉本來空  
後學紛紛醉夢中  
老我已安生死分  
有誰能造大還功  
丹爐繆說千年藥  
白髮依然兩鬢蓬  
漢武秦皇皆好此  
至今陵寢閉秋風

至日有感

惱人塵事亂如麻  
撚指光陰逼歲華  
共喜一陽來復日  
應憐萬里未歸家  
寒威散作千門雪  
春信吹飛六琯葭  
空憶灞橋詩思好  
未知何處有梅花

舟經白馬湖

湖光百里接長天  
白馬遙看寶應連  
斜照紅收歸鳥外  
遠山青抹斷鷗前  
漁翁鼓枻空中去  
賈客推篷鏡裏眠  
三島蓬萊疑咫尺  
乘流便欲訪羣仙

潮州謁昌黎祠

藍關匹馬雪漫漫  
追憶當年事可歎  
瘴嶺鳳來天有意  
惡溪鱷去水無瀾  
廟庭自昔曾封伯  
山木于今尚姓韓  
往往有功多立祀  
如公遺愛久應難

登仰賢祠

一登亭上一徘徊仰止高山倚上台  
星斗至今猶北向江流自昔盡東來  
好音隔葉空黃鳥古剌橫階半綠苔  
千載文光長耿耿當年佛骨久塵灰

過寶應湖

平湖積水澹悠悠遠樹溟濛映碧流  
千載乾坤浮日夜一川蘆葦自春秋  
鳥從夕照空中沒魚向晴波鏡裏遊  
安得飄然無俗累狂歌散髮棹扁舟

送王宣差還家

兩字功名舉世馳，扁舟來往共怡怡。  
春風北去鶯聲早，秋日南歸雁影遲。  
驛路山川如舊識，關河魚鳥謾相疑。  
到家未許多濡滯，四十為官正及時。

與竹為二陳進士廼尊題

先生高想超塵俗，蔣徑新開十畝園。  
期與此君同節操，每尋幽處避囂喧。  
風來小院聲敲玉，雨過前山翠繞軒。  
昨夜春雷聳頭角，龍孫無數出東垣。

為秋官林廷珍先生題太平清覽圖

旭日平堤雪半消  
滿前光景入詩瓢  
青松白塔前朝寺  
綠柳紅欄近郭橋  
玄武湖邊尋伴侶  
太平門外問漁樵  
公庭吏散閒披翫  
不用登臨興已饒

題分水關

層層峻嶺費攀躋  
頭上雲霄似可梯  
一水南分閩海遠  
數峰晴入楚天低  
雨聲忽助溪聲急  
山色遙連樹色迷  
擾擾浮名成底事  
半生空自羨幽棲

夜泊磚河

扁舟此夜泊磚河，剔盡寒燈意若何。  
半世功名驚老大，十年南北笑奔波。  
心懸魏闕雲霄遠，夢入閩山道路多。  
縱有客懷難自遣，幾回彈劍不成歌。

登點翠亭

砥柱中流亦怪哉，浪花飛雪翠成堆。  
恍疑平地波濤起，靜覺半空風雨來。  
窗戶動搖亭落影，欄干清潤石生苔。  
謫仙已去東坡遠，此地何人共酒杯。



送饒平學諭謝原仁校文還任時余監試同事

又連舟至蒼梧故及之

灘江南下接梧州兩岫青山李郭舟木落風高鷗鳥喚  
江空夜靜月輪浮殘牙尚憶紅綾餅寒色初侵紫綺裘  
明發驛樓情未盡一樽臨別更綢繆

宿蘇橋驛

驄馬行行歲事闌驛樓遙指暮雲間清江一曲門臨水  
碧樹千章屋傍山村巷幾家經冠破林鴉數點覓巢還

何當為掃煙塵靜處處柴門夜不關

病酒獨坐

曉風吹雨下西樓一縷新霜忽上頭老去固知名是累  
春來偏與酒為讐莫多歧路亡羊歎且作山窗夢蝶遊  
回首桐陽尋舊隱方知人世有丹邱

秋日述懷次韻

一雨新涼到草堂水光山色坐相忘尋常處世嫌多累  
咫尺懷人隔一方消遣老懷惟水竹釀成衰鬢幾風霜

秋聲滿枕清無寐斜月微明漏漸長

次遜菴風雨愁絕韻

虛亭兀坐笑衰翁風雨懷人意萬重芳草吟鞭無路入  
夕陽歸棹有潮通尋常樽酒情何限關五溪山興不窮  
獨歎謫仙遺響絕紛紛瓦缶更誰工

復林翠庭韻

一從謝事笑踈慵十載浮雲憶舊蹤老去恥為彈鋏客  
歸來且學荷鋤農江心夜冷隔年酒月色春和何處峰

夢入翠庭詩未就東風吹斷五更鐘

從劉西窗諸君遊義山亭次韻

霧磴煙臺第幾層孤亭高處許先登空階不剪何年草  
老樹長懸百尺藤日午鋤禾人語細雲深看竹逸懷增  
呼童掃石題新句應記來遊此地曾

九日承林方伯招遊枕峰寺次韻

遙空一雁度斜陽楓葉含秋半有霜詩酒百年渾漫興  
菊松三徑未全荒雲連野色晴侵戶月送潮聲夜到牀

為報重陽尋舊約竹深雲淨坐僧房

十一月十三日余主會夜泛東江分得桃字韻  
扁舟幾度泛江臯天縱清遊屬我曹別渚尚開霜後菊  
釣磯閒走石邊鰲詩情放浪成千首雪色繽紛笑二毛  
為語漁人莫驚訝前溪不種武陵桃

釣臺用韻

赤龍天上駕羣才何處逃名卧釣臺明月一竿應自得  
玄纁三聘只虛來江邊古廟閒秋草山半殘碑積翠苔

夜靜客星無復見高風千古抗浮埃

題梅

我屋羅浮下黃昏月近人羣芳搖落盡見此一枝春

題竹

誰弄柯亭管秋聲飲恨長老龍驚不寐風雨蒲瀟湘  
極目蒼梧野湘靈翠輦過千年枝上露留得淚痕多

九月十三夜泛分韻

漁歌何嫋嫋擊楫復嘔啞沙鷗忽驚起衝破白蘋花

詠鶴

玄裳與縞衣何處來仙客夜半九臯聲霜天孤月白

題寒江獨釣圖

潮落江聲靜林寒雪色深一竿垂釣者曾識子陵心

雨中次韻呈林廷琛先生

風雨蕭蕭掩華門夢中彷彿接清論覺來雲樹牽吟思

潮落寒江野色昏

重遊東坡亭

十年曾向惠陽遊  
今日重來景自幽  
白鶴亭空人去遠  
青山依舊對江流

夜過程江嘲縣令劉同年不出

竹屋蕭條倚水濱  
黃昏何處問通津  
海翁本是忘機者  
何事沙鷗不近人

經鹿景鋪

鹿景鋪前孤樹斜  
虬龍偃蹇閱年華  
枝柯不為風霜改  
留得清陰覆幾家



除夜有感

蕭條院落一燈懸  
只為蠻鄉掃瘴煙  
雲散碧天清似水  
何妨客裏度殘年

登可山亭次周時可憲副韻

草亭斜倚白雲邊  
石上清風一醉眠  
兩耳怒濤驚夢破  
松花吹滿碧欄前

題畫

老樹懸崖葉半秋  
草亭三面枕寒流  
釣船歸去斜陽盡

金匱要略卷四十四十一  
惟有青山對白鷗

煙梅為王和初題

天與孤高第一花，却從幽谷作生涯。  
歲寒喜見春風面，漫遣疎煙故故遮。

題扇別遜菴兄

十年詩酒幾東樓，別意應將此筴留。  
明到桐山揮手處，雁聲嘹唳是新秋。

崇黎雙鳩

淡月溶溶香未殘  
幽禽飛上玉欄干  
相呼不失雌雄好  
喚起春耕雨滿山

咏諸廢宮

屬鏤血冷劒池空  
遊鹿荒臺踏晚風  
香徑不歸西子駕  
竹枝歌沸月明中

右吳宮

千門萬戶玉玲瓏  
樂奏梨園曲正工  
怪殺漁陽鼙鼓動  
馬嵬秋雨灑梧桐

陳墀

字德階與從弟達同登弘治乙丑進士有柏厓集

送潘希古僉憲閩中

白下江聲遠閩南草樹深聊因送君意更起望鄉心吏  
事多凋瘵民情異古今塞帷詢問處好為慰呻吟

寄林利瞻夏官

禪林燈火話情時屈指俄驚歲屢移道路頻驅憐我拙  
帛書長繫感君私枕邊聽雨心常碎鳥外看雲思欲悲  
何日東裝問津去西窗刺燭共成詩

寓古雄有感

謾驅羸馬走西東十里官亭萬里通  
巨鎮已更今日邑  
穹碑猶載昔賢功  
依依楊柳粧春色  
漠漠埃塵起暮風  
遙憶宋家三百載  
不將長劒倚空同

遊妙峯

尋真偶入招提境  
覽勝頻登詰曲山  
萬古乾坤一俯仰  
百年人世幾忙閒  
鐘聲繚繞僧初定  
樹影參差戶半關  
興盡不堪歸去晚  
恍然身在五雲間

重到南頭

金史卷一百四十一  
輶車兩度海之涯歷歷雲山眺望賒鬟髻短裘歸洞女  
蓬門矮屋賣鹽家半生不愧關西節萬頃還乘博望槎  
贏得耕農笑相迂道傍爭獻長官茶

漂陽行臺

百里河山附帝居明時一統混車書故基遺額猶唐舊  
土俗民風異漢初但使兒童歌有袴休嗟傳舍食無魚  
几塵落葉紛如許眼底何人為掃除

遊君山

輶車隨處逐紅塵一上君山眼望新盡醉不妨同謝眺  
相留何幸有陳遵周遭城柵綠江固洶湧風濤拍岸噴  
當日鑾輿深駐輦道傍休只論春申

過老黃河

滄海桑田幾變過尚留遺跡此黃河橋橫老木車難度  
霜壓平沙水不波茅屋半隨兵燹盡宦途頻歷險艱多  
古今興廢俱塵土對景聊為感慨歌

舟次彭城

金史四庫全書  
卷四百四十一  
河流滾滾勢奔鯨南北驅馳一舸輕捩柁長年頻努力  
恒飢穉子總關情沙塵漠漠山容瘦風木蕭蕭雁影橫  
却憶楚宮今泯滅路人猶自說彭城

遊金山寺

廿年奔走負山遊此日登臨夙願酬石洞雲深僧夢穩  
江門風急浪花浮荒臺古塔前朝寺青雀黃龍兩岼舟  
覽勝問奇歸去晚鐘聲月色共悠悠

送李貞夫還長河



身外功名真草芥飄然短䟽拂衣歸也知自古才多忌  
始覺從前事已非新釀謾同陶令醉強年不用魯戈揮  
慚余尚繫樊籠裏何日從君自在飛

題許秋官壁間竹石

孤根托竒石高節近清暉更愛幽香發隨風入翠幃

陳璽

字德符自號守  
魯因名其集

春雨聚朋有感

細雨泥滑滑春陰思冲冲童炙海錯款客話東風鶯

語軟猶澀花容膩轉慵苔黏雙屐折詩迸一樽同舊竹  
棲祥鳳新雷起卧龍好友會不數良夜苦難逢杯盤已  
狼籍山樹半龍蔥待曉晴明發陽和播九重

題霍龍出澗圖

歲寒不改青山澀老大槎牙倚天立錯節肯為螻蟻殘  
盤根甘與蛟龍蟄長風怒吼針芒寒飛流直迸芙蓉濕  
何人號為綠髮翁此翁曾受羸秦封有時夜半風雷起  
須臾變幻江山裏有時飛上明堂路便作明堂棟梁具

周家作畫衆所推好墨淋漓多深趣挂君高堂素壁間  
白晝無雲生煙霧

題戴文進山水圖

疊巘層巒曲曲灣中有罅地非人間幽人靜觀適忘形  
輒向陰厓結茅亭亭前山色青可續亭下溪流瑩如玉  
邀朋終日話綢繆藐視乾坤真一粟老樹號風出林杪  
浮雲飛盡青螺小曲欄干外少人行對面長空落飛鳥  
輕衫細葛暑不知萬象覺來清悄悄正是南華誦罷時

呼童掃葉烹新葵噫嘻此圖誰所為云是戴氏無聲詩  
戴氏山水稱絕奇筆端造化嫵王維謫仙孫子如我期  
便欲跨鶴臨清漪

題高漫士山水

家本江南雲水村溪山閱歷窮晨昏巨口細鱗肥可餌  
時採黃菊邀琴樽泉聲挂月樹拖影屐齒穿徑苔留痕  
曉來携杖過山腹欲訪橋西隱者門露下清秋魚鳥沒  
橋頭白石溪流奔亭閒樹密人跡稀仰觀亭外青山渾

平林一帶青欲滴遠岫微茫蒼靄吞隱君深藏久不出  
研硃默究先天源梅花一點天心露富貴浮雲安足論  
何人默契丹書妙移來造化難與言李君重之如南金  
披圖偶爾效蛩吟對此令人豁心境隨處溪山皆管領  
嶽觀道人邀酌杏樹下

白雲亂撒青山丫紅杏幾吐牆頭葩道人邀我花下酌  
滿泛松花對天啜醉來折取一枝春惱煞流鶯啼不歇  
次果菴叔韻為張公玉題釣月

風月老吟邊何人道謫仙撥雲金鏡現弄影玉鉤牽捉  
筆山搖翠狂歌劍倚天廣寒宮闕近醉袖任便娟

溪橋話別卷送中表林尚仁之京

天踞長安遠行人早挂弓羣山橫遠黛一水駕長虹花  
木餘暉裏杯盤返照中情牽閩嶠月思逐海帆風薊北  
三江接燕南九派通臨期嗟契濶握手話萍蓬榕葉風  
前暗溪桃雨後紅野鳬時出沒浪楫任西東天地留詩  
在江山送目窮嶧桐須斲削荆璞賴磨礱去割故園戀

行思上國功謾言千里別還擬一樽同

江右回寄德新弟

武陽携手淚沾巾遙望閩南即海濱  
月色却隨歸去雁雪花偏逐遠行人  
夢迷池草增惆悵吟對溪梅轉逼真  
謾倚東樓發長嘯芸窓燈火好相親

宿鯉湖靈宮有懷栢崖兄長

春光幾度卧煙霞獨步仙巖景更嘉  
棋局驚殘蝴蝶夢天風吹破杜鵑花  
珍珠流落百千尺環珮聲聞三兩家

鴻雁一行孤影斷義江溪上即天涯

贈林克英表弟是日艤舟會飲

一葉輕舟閣水湄十年蹤跡兩心知風雲羨子隨撐駕  
漁釣從誰亦便宜丹葉墮前秋已老碧雲開後月初移  
筍輿爝火催歸速翹首江干繫所思

和鸞峰雅集卷中韻

三何聲價數君多長約耆英載酒過皓月停杯歌郢曲  
清風吹袖拂雲和日移花影來窓隙鳥雜松聲落澗阿



蹇拙欲追詩社末紅塵華髮夢中皤

送黃文澤之金臺鄉試

春滿江梅子弄酸看花仙客據征鞍錦鱗躍破千山影  
柳線斜牽七里灘但把青篇勤繼畧謾言佳句似彈丸  
長安消息秋風裏一段天香徹廣寒

細雨入樓和韻

西風吹斷萬條絲都入層樓作雨時詩酒有懷應不寐  
鶯花無語景誰知隔窗雲縹青天小捲幔泉連翠黛歌

誰把春釭浪傾倒醉魂常繞玉山陞

題高孔華小畫和韻

屋迥野雲白林昏山雨過杖藜拄橋北識面青山多  
古木參天立閒雲入戶青推蓬恣吟眺夜坐斗牛橫

小景

詩思濃于酒山容碧似苔美人清不寐撐出小舟來

斑鳩

香禽自何處共立枝頭語喚起曉耕人西疇足春雨

題景時小景

細雨着苔黏屐齒白雲飛樹挂山頭扁舟直放武陵去  
滿地秋聲人倚樓

為茂通題扇畫

亂木蕭蕭楓葉酣扁舟閒釣五溪南屋頭嶺瘦杉如戟  
長嘯一聲煙水藍

為介菴叔父題畫屏

雪漫江天萬木窮一間茅屋覆詩翁何人醉醒梅花月

踏徧寒山路幾重

文峰貢翠

靜坐無聊兩鬢蒼  
教兒何日繼書香  
閉門忘却春容老  
燕子銜泥入草堂

為人題春草

禪房一榻看離離  
好似西堂夢覺時  
詩句滿前吟不就  
謝家池上雁來遲

送呂克興會試

驛路迢迢隱隱山看花仙客度山關長安故舊如相問羸  
得煙蘿味一閒

陳達

字德英蒙巷長  
子有虛窓小稿

暮春遊西山道院和楊陶園五平體

嘗聞神仙儔相娛分杯簪吾儕將無同尋芳忻聯驂緣  
茲抒吟豪煙霞非窮耽樓臺明空中星辰疑可探幽墩  
滋苔青山花迎風酣羣峰遐觀竒流泉清而甘倉庚鳴  
春暉金烏驅朝嵐臨風懷當年沈淪基清談皇明開新

宮佳晨崇朝參櫟材叨郎曹行藏期無慚殷勤摩穹碑  
神功應周諳清遊憐吾曹新詩題山菴

聞蟬賦別送李古冲吏部

珠宮擅虛敞灌木饒蕭森蘿縈古洞匝不受煩暑侵有  
客遠行邁於焉洗塵襟睽違寧足道宛如辰與參壺觴  
甫交錯清風遺好音悠揚重淒惻對此誰能任緬懷物  
理微高潔諧夙心曉吸沆瀣零暮止松桂陰飛鳴亦自  
適同者徒相尋因之深有感聊以調吾琴願君崇令德

嗤彼澤畔吟勛業方肇茲佇立還朝簪

嘉靖癸巳十一月望前三日舟飲夜闌乘興登  
虎丘有作同遊者楊丈泉道南謝嵩南宜相  
許高陽初而東君則張餘山瑤也

解組返南服了無塵慮羈泛泛楓橋道悠然興遐澄  
波映皓魄偏與我心期忽逢携酒至促膝叙睽離更深  
逸興發眷言將何之仰睇藻珠宮矗矗臨水涯朋遊方  
息駕燈火猶參差攝衣履崑崙積氣釀寒颼昏碑渾莫

辯但可記名誰講臺固已幻劒池殊足嗤云胡千載內  
聲稱乾坤垂山川待人顯此語良亦私吳門本平壤茲  
丘突而奇俯視州邑間羅立還累累通宵見野燒薄海  
延朝曦花柳郊原暗帆檣煙雨移豪華傳上昔文物盛  
當時王孫恣遠眺墨客哦新詩抒懷藉靈境訪古傷陳  
規佇久迺因是區區能爾為但令達者觀存亡杳一絲  
呼童理歸棹月光長相隨

晴步次輝第韻



宿雨乍開晴層巒呈寸碧策杖隨所之東郊與西陌滿  
引紫霞觴暫卸青筠笠忽見海棠花依然帶紅濕

竹屋為甘欽采秋官尊翁題

結構傍塵市所居雜喧嘩雕甍連畫棟疊疊皆紛奢何  
人數椽與俗異座接此君引高致半窻明月驚尾低蒲  
地東風墨華醉有時靜坐探古書鏗鏘玉珮搖瓊琚倏  
然雲散天宇靜箕箒嶺谷俱何如先生自是世高士眼  
視功名如脫屣直將高節抗浮雲鰲竿一截傳諸子仲

也才能貫百川開揚翁業歸詩篇我疑此翁結此屋無  
乃溪邊之六逸興夫林間之七賢

漫書

蘊玉斃鼠均名璞月旦車旂同一朔世間萬事自有真  
毛遂曾參亦誤人君不見江頭昨夜風塵起咫尺不辨  
冠與履幾家奔走聲嘈嘈漁翁牢把孤舟艤十日陰雲  
倏爾開依舊青山如畫裏

題買臣負薪圖

海邦六月煩暑逼石床晝卧紛華息清風颯颯自南來  
恍然如入華胥國初醒頓覺日半斜簷頭幾陣蜂將衙  
朗吟老子五千字漫酌盧生七椀茶敲門忽見東谿氏  
手持一幅鸞溪紙云是晴沙遠遺之分明貌出朱翁子  
憶昔登登伐木時行歌道路聲嗚噫豈徒不入駟僮眼  
何當更被糟糠啗五十功名未遲暮錦衣烜赫人如故  
誰知此日除道夫却配當年棄夫婦朱顏闇淡應無光  
後車同載空徬徨丈夫出處自有數悔把深思一日忘

披圖誰不增感慨嗟彼女流何足怪不見翟公門下客  
一貧一富知交態

和顧東江禮侍韻贈錫山王生衛

浮榮不直一敝帚雲雨區區翻覆手羨君棄置若等閑  
飄然六合為扁牖二王筆法本天成故家文物垂芳名  
遠來為寫瀧岡表海內深情及死生

信筆

道人所居不盈尺靜裏滿懷春拍拍挾架時翻斷簡青

開窓忽見遙岑碧  
狂風捲雨妨農工  
馳馬驅車酣客奕  
一笑那知兩鬢蓬  
詩成便把榴皮擘

和輝第夕佳亭歌

隻幅蒲帆迴宦海  
蟬冕浮名陋華彩  
小亭兀坐幾忘年  
萬斛紅塵難我浼  
安身寧有不龜手  
善藏能免負山走  
何如引酌款斜暉  
信步岡前與岡後  
東陽旨酒時一中  
細烹茗茗邀王濛  
渴殫淵明之菊露  
清愛弘景之松風  
遙憶霄漢諸故人  
落落條若參與辰  
圖形爭列雲臺上

荷釣誰來渭溪濱六六灣頭虛半席滿擬歸期從太液  
知子久擅三都才蹇余曾作四明客寄興先馳尺素書  
珊瑚照耀荒松居層霞映樹巧布置落葉盈階勤掃除  
爾今元亦為親屈報國丹心須蚤出好將勛業踵前脩  
用慰林壑此長日

感懷

終歲長為客孤懷不耐秋砧聲高復下雁影去還留水  
濶煙光淡花深暑氣收故人今萬里誰與話綢繆

玉峰為韓秀夫駕部題

借榻紅塵外，名山入興濃。  
春風明錦繡，晴雪鎖芙蓉。  
眼界渾空晉，聲華已亢宗。  
起來作霖雨，猿鶴記行蹤。

豐樂亭次少司成郭价夫先生韻

年去民多疾，于今歲甫登。  
乘時開勝境，掃榻待良朋。  
遠興煙光杳，長空浩氣凌。  
追遊應有記，薄劣愧無能。

夜坐用謝應德僉憲韻兼柬侯世卿少叅

夜靜天如洗，時聞蟋蟀鳴。  
朋簪追舊雨，客路賞新晴。  
有

劍懷偏壯爭暴氣未平小山松桂晚何處可忘情

除夜宿常山察院

鄉關將咫尺歸計尚遷延  
檣柱燃殘夜屠蘇憶少年  
東山高卧處楚澤卜居篇  
此意何人會臨風仰昔賢

新正積雨連旬依韻答輝弟

彌雨旬過半柴門午未開  
光慳銀海眩醉罕玉山頽  
美景孤春至新詩入夢來  
陰晴亦何事浪向鶉鴒猜

姚江舟次遣懷



凍雨寒雲歲月奔扁舟去去又黃昏隔江梅綻知生意  
近海潮平沒燒痕訟獄無情猶可訊閭閻多病不堪論  
賽予超走嗟何補剛免傍人議素餐

新春感懷用方純吉韻

獨愧無才負袞衣海邦今日且栖遲乍看細雨霏微處  
正是春風發育時瘦比沈郎空握帶愁如杜老只耽詩  
閒居一室無餘物琴調清新劍陸離

宿大善寺

祇園深處暫停車  
壞壁頽垣不掩廬  
風約鐘聲僧定後  
月翻松影鶴來初  
禪宗于我雖非偶  
世味從今亦漸疎  
欲向蓬萊訪陳迹  
梅谿風韻更誰如

宿普濟寺

車馬塵中未息肩  
招提清境且安眠  
數聲雞犬斷橋外  
十里桑麻古道邊  
南渡衣冠遺舊跡  
西湖風月憶當年  
老僧解說興亡事  
不管南枝叫杜鵑

四時宮詞次楊名父考功韻

芰荷池畔雨纔收，羞見紅粧照碧流。  
紈扇有詩題舊恨，紗厨無夢感新愁。  
蜻蜓點水情偏適，蛺蝶穿花意自由。  
向晚好風來別院，是誰歡笑擘箜篌。

過觀海

萑爾孤城試一臨，東郊西陌故鄉音。  
魚鹽以外生涯少，山水之間趣味深。  
花竹四時堪作障，煙嵐終日自成陰。  
天教少住非無意，要識當年觀海心。

龍頭場午憩

集賢堂詩集 卷四百四十一  
院落深沈午漏遲松花香拂柳風吹青山蔽戶晝長暝  
野鳥當窓時獻奇滿眼簿書空汗漫一年春事又離披  
乾坤俯仰無窮意併入孤懷幾首詩

秋夜感懷

簿書叢裏歲華淹且放餘情上兔尖鴻雁忽將秋色  
至軒窓時見晚涼添望迷紅樹家千里立盡青霄月一  
簾但把行藏參易理卜居何用遠求詹

詠竹次王誕數年兄韻

公署居閒每見君賞心竟日敢辭勤謾隨九卉爭春色  
高出層霄遠世羣鳳尾月斜金鎖碎龍孫雨過玉繽紛  
勝遊莫作尋常計細刻從教書八分

太平堤襍咏次王半谿韻

塵海微茫盡轉蓬人生何事苦匆匆獨憐無限參商地  
都在幾番煙雨中樹隱樓臺吟望遠山圍村郭往來通  
清時且作偷閒計萬事悠悠付化工

年來祿食愧曹司疋馬朝朝暮暮時未老乾坤還有待

多情鷗鷺謾相疑  
熟思吏隱真奇事  
敢說山靈是故知  
何處落花隨雨點  
也應催我送春詩

提憲廳夜坐

官齋人靜報更嚴  
落落閒懷夜更添  
千里庭闈憑夢到  
萬金家信託燈占  
几材已負明時選  
病骨還資識者砭  
記得去年吟望處  
半輪寒月又湘簾

次楊恒叔先生遊清涼寺韻

雲擁僧房紫翠間  
當年飛錫幾時還  
層巒每到秋偏好

塵鞅不隨心共閒  
爽酌欲將詩句解  
多情猶有夢魂關  
知君張弛無窮意  
肯學淮南賦小山

寄吳秋官德翼同年

同牘聯官道義存  
輸君高卧白雲村  
情深欲就湖山遠  
夢醒猶聞笑語溫  
對客雨餘頻剪韭  
娛親堂背賸栽萱  
扁舟時倚吳歌晚  
一段清風孰與論

甲戌十月五日午餉告乏薄暮庫部分到俸錢  
亟易之市始克舉炊詩發一笑

坐對空齋細雨頻，強呼清茗漱吟身。  
九年竊祿應多愧，一午無炊未當貧。  
聞說真卿曾寫帖，笑渠季路漫生嗔。  
可人庫部時分俸，八口還沾此施均。

送陳岳克厚歸瓊河

鍾山高高淮水深，客鄉無日不登臨。  
寒風忽起故園念，征帆便挂長江心。  
浮生萍梗本無定，此夜樽酒還同斟。  
驪歌一曲不忍聽，飛鳥吾猶戀舊林。

送李守訥致仕南歸詩



長江五月薰風起一舸飄然白下歸解組獨先能覺是  
行年猶未及知非齊竿自古難迎合周易從今好發揮  
料得浮鷗相慰藉等閒何事復驚飛

曉將封事達承明楊子江干夕問程自是庭闈關念切  
故于軒冕繫情輕鋪張行色憑詩卷驅逐離愁仗酒兵  
看取百年公論在先生未許獨逃名

再會用宋人韻一首

四十辭榮誇若水百年高致又逢君旗亭此日攀新柳

尊酒他時憶暮雲眼底風波應自笑胸中丘壑許誰分  
陶然和就歸來賦贏得清名到處聞

九月十二日登悠然亭闌韻

一別西山歲十更危亭偶爾叙宗盟已過九日猶無菊  
恰有方田又種杭笑語風生吹髣髴髮輸羸變出付棋枰  
酒酣不覺歸途晚隱隱松梢月漏明

過常山

崎嶇客路且隨緣眼底何人得靜便五日行過三省地

殘冬喜遇早春天  
葉稀老樹猶藏寺  
茅滿平沙未作田  
幾向南陸重延佇  
兩峰晴聳白雲連

遊金山

山于江半見高棱  
雨過煙銷快一登  
處士詩成容可再  
長公帶施更誰曾  
情歡老衲三生話  
步倩仙翁九節藤  
遙憶金陵遊樂地  
暮天雲樹渺層層

遊焦山

奮立長疑北海鵬  
潑天波浪覺軒騰  
當年人借林泉隱

千古山從姓氏稱  
瘞鶴銘存渾莫辨  
吸江亭敞尚堪凭  
茲遊已愜平生願  
况復禪叅最上乘

九日登將就亭

年來雅興在秋山  
說着登山便解顏  
撫景可堪逢九日  
虎身何必更千間  
欺風白帽頻頻整  
待雨黃花故故慳  
不是羽書初罷警  
相從那得有餘閒

謝倣成先生遠惠酒罇諸物

松陰桂影四週遭  
客在南樓睡正牢  
窓外忽聞聲剝啄

書中深感意勤勞，剖開陶氏不如蟬。  
滿飲周郎自醉醪，三復高情無以報。  
臨風聊為一揮毫。

雨憩福海庵

茲來豈是悅禪機，為愛幽居聳翠微。  
逕滑雨深行不得，秋高風急送將歸。  
蓮花舊白樽應倒，柿葉初黃筆可揮。  
愧我才非山谷調，能將斯地重摩圍。

重遊福海庵

掃壁題詩記我曾，恍驚春去又重登。  
雲迷生客山藏寺，

雨如明農水拍塍白氎巾輕閒欲試烏皮几  
隱懶堪凭一樽是處成幽賞謾說瑤臺十二層

寄題楊恒叔陶園

涼颼何處透重袍翁與山靈兩共高老去不妨耽選菊  
客來時或薦溪毛清風尚友嚴陵瀨長日惟吟屈子騷  
門外紅塵深幾許先生醉卧樂陶陶

遊九鯉湖

疊嶂重林路轉紆天然勝槩壯蓬壺珠簾高捲灘聲迥

石戶長局月色孤夢蝶客醒香蒲篆化龍魚去藻彌湖  
何當乞取刀圭賜銷此憂時第一迂

四疊韻遣興兼與德仕弟

萬事悠悠託化工揮絃極目送歸鴻斷無愁髮三千丈  
那有閒情十八公蒼狗白衣從變幻清風明月任牢籠  
殷勤不盡思親意夜半推篷語阿同

冬湖亭為江國珍冬官賦

如舟亭構俯空壕嘯咏端無負水曹山色隨陽排闥蚤

波光浮月上簾高。儘教魚鳥欣相託。何但賓朋識所遭。  
謾把西湖輕較量。主人襟度渺雲濤。

題趙千戶嵩西庄用壁間韻

嫩柳微波夾路明。一亭容與課深耕。閒中隱几有餘地。  
醉裏凭欄無限情。花氣暖催春日轉。山光遙帶暮雲平。  
登孤本是承傳物。其奈林泉宿共盟。

龍潭

高皇曾此駐龍旌。一掬靈湫遂有名。雲遠重巖朝作陣。



風生古栢夜傳聲為霖已副當時望報祀長懸後代情  
聖德不刊神力護萬方何幸際昇平

琅瑯寺

此山幽勝武陵源仄徑深藏別有村篆石畫巖猶墨跡  
迴廊寢殿但苔痕謾勞往事懷千載且與浮生共一樽  
混世也知隨地得伐檀能不愧殊思

送童用中之荊州

大江南泛渺雲平樽酒難消此日情一笑天涯殊去住

三春物色半陰晴尚書家世元無忝太僕才華蚤有名  
莫訝高懷拋不得琅琊山水亦蓬瀛

得告寫懷

再疏殷勤瀝悃誠九重恩許促歸程豈緣蒲柳先秋慮  
欲盡庭闈愛日情天濶謾疑飛鳥倦月明偏照去舟輕  
難忘最是滁西澗猶記黃鸝三兩聲

元夜與魯翁對話

京國勞勞汗漫身又從歧路度王春最憐孤館青燈夜

遙憶高堂白髮親  
池草不妨詩夢繞  
盤椒寧惜頌聲頻  
江南勝概真如畫  
觸處梅花照眼新

新正久不至沙上園詩以寄興

歸來無日不窺園  
何事春初獨掩門  
每為雨師兼酒債  
却孤山郭與沙村  
疎林迸玉儲新刺  
曲水流花漲舊痕  
欲假天公放晴霽  
杖藜徐步武陵源

夏至日雨中遊園

時當夏至不聞雷  
刺有霏霏雨熟梅  
旋摘園茶烹石鼎

蒲欒泉水滌山疊雲橫遠岫形如畫風送啼猿響若狹  
怪底筆端多窘澀由來萬卷未淹諳

登石竹巖

尋真曾向鯉湖遊十二珠簾翠欲流此日輜車過石竹  
千年勝槩壯丹邱層崖雲染四時紫古洞風生六月幽  
猶有浮名驅未得刀圭未識肯分不

送淺齋郭憲副進表之京

烏府先生擁使旌玉函馳獻片帆輕灘聲入夜懷增壯

樹色經秋眼倍明  
紅日喜瞻雙鳳闕  
白雲遙指萬安城  
莫因家慶頻留戀  
還慰南閩佇望情

寄諸弟姪詩

科第寥寥廿七年  
客鄉長望好音傳  
竹林此際成愁絕  
池草當時有夢牽  
對酒強歌青玉案  
因風懶寄白雲箋  
也知人衆回天定  
珍重來賢好勉旃

雁門關追次何椒邱文肅公韻

山川無改舊名關  
悵望椒邱未可攀  
鳥道斜連青嶂外

羽旗遙映白雲間  
僧鐘入夜聲逾壯  
戍馬經秋色更斑  
誰說君門遠千里  
天威咫尺不違顏

不才迂踈貽厥臯  
戾蒙恩放歸曷勝感激詩以  
自慰春功有懷至是始副故及之

聖恩寬厚許歸田  
却是嚴君謝事年  
此日此身方屬我  
時行時止總由天  
雲間自合深山卧  
樗散徒勞大匠憐  
賸得居人猶戀戀  
夕陽回照有餘妍

高尚為徐松峰都閫題

將軍曉起拂征鞍  
蒲道榕陰夾荔丹  
金甲早銷春事足  
朱旗曾閃斗光寒  
輕裘緩帶歸田樂  
急雨顛風行路難  
只恐九重思頗牧  
青山未許夢魂安

九曲清遊

久欲逃名未得逃  
方將蹤跡寄亭臯  
綠林詰曲寧嫌遠  
有杖支持不厭勞  
薄霧盈疇封逕窄  
清風隨步陟山高  
武夷九曲尤堪翫  
細咏遺歌散鬱陶

送人之湖南分得洞庭遙憶

南湖煙樹遠依依  
百尺欄干倚落暉  
鐵笛一聲人不見  
茫茫秋水片帆歸

題雁

風搖蘆葦碧氍毹  
寒影高低掃暮嵐  
最是月明秋夜永  
數聲先我到江南

題鉤毛

千葉桃花碧映堤  
幽禽斜傍一枝低  
却憐春亦年年別  
故向遊人着意啼



鯉湖

我愛何仙好弟兄丹成卽壑盡知名上方亦有連床會  
萬瀑長含風雨聲

石倉歷代詩選卷四百四十一